

Llongyfarchiadau i'r tîm pêl-
droed pump bob ochr a fu'n
cystadlu yng nghystadleuaeth
yr Urdd yn ystod y mis.
Gwnaethant waith da iawn gan
gyrraedd y rownd derfynol.
Boddi yn ymyl y lan fu hi a
dymunwn yn dda i'r enillwyr
yn y rowndiau nesaf.

Braf yw cael croesawu criw o
fyfyrwyr o'r Brifysgol yn
Aberystwyth atom am brynhawn
bob wythnos. Caiff dosbarth
3 a 4 gyfle i arbrofi ym myd
Gwyddoniaeth yn eu cwmni.

Un prynhawn cafodd plant
dosbarth 3 a 4 gyfle i wrando
ar Mrs Sian Lewis yn sôn am
ei gwaith fel awdur nifer o
lyfrau a sut yr â ati i
lunio'r storiâu difyr. Bu'n
orig ddiddorol tu hwnt a'r
plant yn mwynhau gwrando
arni.

Treuliodd cyn-ddisgybl, sef
Nicola Richards, wythnos cyn
hanner tymor yn yr ysgol fel
rhan o'r cynllun profiad
gwaith. Bu'n cynorthwyo
ymhob dosbarth yn ei dro a
gobeithio i'r profiad fod o
werth iddi ar gyfer y
dyfodol.